

兩浙名賢錄

兩浙名賢錄卷四十三目次

風節

漢

龍丘萇

嚴子陵光

會稽太守陳業

晉

何幼導準

沈道虔 子惠錄附

司徒主簿王方平弘之

宋齊梁陳

風節目次

卷之四十三

一

顧景怡歎

沈雲禎麟士

唐

孫節

靜樂先生方太初吳

五代

章魯風

白雲先生石廷翰

僕射大夫何溥

謝金吾銓

宋

陸行正正

子應奇孫
士賢附

兵部尚書陳存

國子博士杜文甫

提點刑獄游魯望汝

吳太學大有

金華令陳天瑞

修職郎章子壽鏞

吳子善思齊

義烏令周公謹審

安節先生徐英文俊

七民劉君用若濟

定成尉牟成甫應龍

軍戎判官孫潼發

陳弘道宗儒

三教道逸趙孟劄

葉仲凱

海門簿程元爽塏

芹澗先生蔣芸

正節先生衛富益

泖南放翁殷公源澄

介白散人劉弘宗揚祖

楊吉甫子祥

容州文學方韶父鳳

東山先生朱元之清

黃行素奇孫

金一之應桂

胡子廉

鄭玄璋時中

陶菊隱

杜若川濬之

壽岩老人欽德載

龍圖閣待制萬鍾

元

清節處士虞伯和如埴

姚君衛棨

溫日觀

呂徽之

蕪叔圭琰

純德先生陳天祺應麟

張克明

潛齋先生毛彥明輝

全陽老者王存道安

水雲子汪大有元量

潘省中伯修

張子長樞

潘聲甫音

明

玄白先生黃觀成中德

石鼓山聳呂不用

練希魯魯

陶九成宗儀

李長民公鑑

監察御史童守真

葉勝明子曉

張羽臯翺

三鄉老人葉子雲

廣西參議張文衡銓

荆府長史施魯

太雀山人陳洛夫中州

給諫許台仲相卿

孝廉張文東涑

漢陽令董碩甫毅

兩漢名賢錄卷之四十三

東海徐象梅仲和氏誤

郟城何閔中冓卿氏閔

風節

漢 共三人

龍丘萇

龍丘萇太末人。隱居九峯巖。義不降辱。王莽連辟不起。更始元年在廷。爲會稽都尉。掾吏白請召萇。延曰。龍丘生躬履德義。有伯夷原憲之節。都尉酒掃其門。猶懼辱。

焉寧敢居之。遣功曹奉謁，疾致醫藥，更使相望於道。歲餘，延躬詣養，乃署僕曹祭酒，尋謝病去。

嚴子陵光

嚴光字子陵，餘姚人。一名遵，本姓莊，避顯帝諱，諱莊曰嚴。光少有高名，梅福妻之以女。光武微時嘗與光同學。及卽位，乃變姓名，隱身不見。帝思其賢，下令物色之。後齊國上言有一男子披羊裘釣澤中，帝疑是光，乃備安車玄纒，遣使聘之。三反而後至，車駕卽日幸其館，光卧不起。帝饋其卧所，撫光腹曰：咄咄子陵，不可相助爲理。

邪光不應良久乃張目熟視曰昔唐堯著德巢父洗耳
士固有志何至相迫乎帝曰子陵我竟不能下汝邪於
是升輿歎息而去復引光入論道舊故相對累日帝從
容問光曰朕何如昔時對曰陛下差增於往因共偃臥
光以足加帝腹上明日太史奏客星犯帝座甚急帝曰
朕故人嚴子陵共卧耳除諫議大夫不屈乃耕於富春
山後人名其釣處爲嚴陵灘云

會稽太守陳業

陳業上虞人初爲會稽太守潔身清行遭漢中徵委官

去隱於黠歛間。朱育稱其高。趣妙縱天下所聞。

晉 共四人

何幼導準

何準字幼導。海鹽人。穆章皇后父也。弱冠知名。州縣交辟。不就。兄克驛騎令準仕。對曰。第五之名。何減驛騎。美準第五也。克後居宰輔。權傾一時。而準散帶衙門。不與外事。徵拜散騎侍郎。卒。不就。後追贈金紫光祿大夫。加晉興侯。子恢。以非父志。表辭不受。

沈道虔

子惠鋒附

沈道虔武康人性仁愛好易老隱居縣北石山下孫恩亂後飢荒爲甚道虔與諸孤兄子共釜庾之資困不改節州辟凡十二命皆不就宋文帝聞之遣使存問徵爲散騎侍郎不起以琴書自娛子惠鋒修父業亢心希古不應州辟說者以爲肖子

司徒主簿王方平弘之

王弘之字方平上虞人仕晉爲司徒主簿家貧性好山水宋武帝辟召一無所就從兄敬弘爲吏部尚書奏弘之爲太子庶子不就文帝時又陳高行徵爲遼直散騎

常侍又不就敬弘嘗解貂裘與之卽着以探藥性好釣
上虞江有勝地名三石頭弘之垂綸其處經過者不志
議問曰得魚賣否弘之曰亦自不得得亦不賣日夕載
魚入上虞郭經親故門各以一兩頭置門內而去始寧
沃州有佳山水弘之又依巖築室及卒顏延之欲爲作
誄恨短筆不足書美誄竟不就

宋齊梁陳

共二人

顧景怡歡

顧歡字景怡益官人六歲時父使驅雀田中歡因作黃

魯賦不復顧。惟食稻。過半食。無所受業。竊聽隣人譏。悉記不遺。傳與邵元之。經學開館。受徒常百餘人。每喪水漿不入口者七日。廬於基次。齊主道成。踐祚。迎。稱山谷。臣顧欽表曰。道德綱也。物勢目也。湯武得勢。順道則作。廷秦項忽。道任勢。則身獲。願積古百王。斟酌時用。則率土之賜。臣志盡幽深。無與勢。勢請卽辭歸。帝賜。塵尾素綦。有文義三十卷。

沈雲龍麟士

沈麟士字雲龍。武康人。處之孫也。幼便敏。聽候父母談。

玄無所遺失。岳撫其肩曰：若斯文不絕其在爾乎？及是
轉通經史，居貧織簾誦書，口手不絕。鄉里號爲織簾先
生。嘗行路，隣人誤認其屐，麟士曰：是鄉屐邪？既而反後
隣人得屐，送前屐遺麟士曰：弄卿屐邪？笑而受之。元嘉
末，文帝令僕射何尚之訪舉學士，縣以麟士應選，不特
已至郡，何尚之深相接，謂子儺曰：沈麟士黃叔度之流
也。汝其師之。未幾歸，具羌山教授從學者數十百人，各
築室止巖，麟士時爲之語曰：羌山中有賢士，開門教授
，積歲市從，比叢承爲善典，守請其入郡，麟士聞郡堂後

有好山水欲一觀之乃往停數月永請爲功曹麟士曰
明府德履冲素留心山谷是以被褐負杖來謁必欲飾
混沌以蛾眉冠送客以文冕走雖不敏請防高節有路
東海死耳不忍受此黥劓永乃止復歸羌山負薪汲水
并日而食終老讀書不倦製黑蝶賦以寄意梁天監中
卒於家

唐

共二人

孫郃

孫郃奉化人自幼負氣岸博學高才唐末爲左拾遺朱

唐書

卷之四十三

正

光緒堂

澗纂唐著春秋無賢人論卽脫冠裳服布衣超然肥遁
養晦林泉著書紀年悉用甲子以示不臣之義

靜樂先生方太初吳

方昊字太初淳安人生於唐末唐亡耻非所仕避隱崖
谷中吳越錢氏招之不往聚徒講學於上貴精舍以終
其身鄉人化之稱爲靜樂先生

五代

共四人

章魯風

章魯風桐廬人能詩與餘杭羅隱齊名錢武肅崛起以

韓風善筆札。召爲表奏。孔目官不請韓志。沉於其德。隱
隱爲錢塘令。懼而從命。因宴獻詩云。一個稱衡客。不得
思量黃祖漫英雄。自是鏐始厚遇之。

白雲先生石廷翰

石廷翰。新昌人。父渝。兄廷傑。皆仕。與越錢氏翰。獨耻之。
隱居沃洲山白雲谷。以書史自娛。後贈白雲先生。

僕射大夫何濟

何濟。越州人。識雲氣。善地理。爲南唐僕射大夫。貶休寧
尉。未幾。國亡。濟大哭。嘔血。卽挂冠。隱芙蓉山。剪髮爲頭。

陀、假跡禪門而不談內典、喜讀道德經、每歎曰、老子、真聖人也、猶龍之稱、仲尼寧虛借黃、其有所譽、必有所試矣、居恒專煉火化、後果以火得解脫。

謝金吾銓

謝銓、會稽人、仕南唐、歷宦錄、青光祿大夫、金吾大將軍、李氏以國歸宋、銓守義不辱、挈家遁居祁門、士論高之、
年五十六人

增 謝先生陸行正正 子應奇孫士賢附

陸正字作正、海鹽人、今屬平湖、正博學篤行、通律呂象

數之學有名唐輔宋亡與族父廷能以家世宋臣矢不
仕元以更名正御史程文海薦之不赴後復與處士劉
因同徵俱不赴隱居教授其學以慎獨存心爲要所著
有正學編樂律考七經補註克己雜言凡八十餘卷卒
年六十七門人謚爲靖獻先生子應奇字景祥郿守劉
澤民察其賢欲奏官之謝曰某老矣早喪先人失學不
願爲官守其曰名儒之子何言不學力辭而止孫士賢
字彥良樂善好施有意氣元末名士流落者如會稽楊
維禎宣城貢師泰錢糖陳彥博多客於其家

兵部尚書陳存

陳存安吉人累官至兵部尚書端明制置使宋亡元遣使七徵不起尋遘疾却醫絕食旬有四日卒

國子博士杜文甫

杜文甫臨海人咸淳進士歷瑞安軍節推德祐初除國子博士宋亡義不仕元翰林學士趙與愚薦于朝侍御史程文海奉旨宣召皆以疾辭終不起自號南峯山民提點刑獄游魯望汶

游汶字魯望德清人咸淳中歷江西江東福建提點刑

獄似有能辭。買似道富國時事大非。汶與論事忠誠懇。剛至於流涕。遂罷官家居。泯迹草野。入元抗節不仕。恭政滿大年。以遺老奏。召爲福州總管。堅辭不就。所衣一布袍。書其背曰。前宋遺民。大元百姓。不問燕居。叙會晴雨寒暑。未嘗脫解論者悲之。

吳太學大有

吳大有。嶧人也。寶祐間游太學。率諸生上書言買似道奸狀不報。遂退處林泉。與林昉仇遠白挺等七人以詩酒相娛。時人以比竹林七賢。元初辟爲國子檢閱。不起。

卒葬戴顓墓左

金華令陳天瑞

陳天瑞臨海人咸淳進士師事金華王柏精性理之學志潔行廉爲金華令有能名宋末隱避林壑詩文高古效淵明書甲子文集五十卷

修職郎章子壽鑄

章鑄字子壽吳興人仕爲修職郎謹直敢言宋亡歸隱於家元世祖令故宋官納誥勅仍量授職鑄不就自以世食宋祿坐未嘗北向宋人之仕於元者鑄皆絕之不

與往來世高其節

吳子善思齊

吳思齊字子善處之麗水人父選官至朝散郎思齊少穎悟以詞章知名由任子入官監新城稅調嘉興縣丞善決獄訟未幾遷饒州節制司準備差遣時丞相賈似道貴戚謝鐘力能生殺人思齊以小官中其諱惡人爲危之而思齊弗顧也俄不願仕寓居桐廬值宋改物家無擔石有勸之仕者輒謝曰譬猶處子已嫁不能更二夫也思齊天性直懇知有是非不知有毀譽每與葵藿

方鳳福州謝翱游請名山酒酣氣鬱輒望天末傷哭而返大德間卒年六十四

義烏令周公謹密

周密字公謹錢唐人寶祐間爲義烏令入元不仕與趙子昂仇在相近戴表元爲唱和友詩極典雅善画梅竹蘭石得意輒自題其上

安節先生徐英文俊

徐俊字英文德清人以明經爲國子生咸淳中憤時宰誤國率六館諸生葉李等抗疏乞斬買似道疏三上不

報宋亡遜於林野。至元中累召不起。言及宋故輒泣。然
流涕及卒。門人謚曰安節先生。

七民劉君用若濟

劉若濟字君用。青田人。咸淳進士。義不仕元。自謂出於
六民之外。別號爲七民。

定成尉牟成甫應龍

牟應龍字成甫。烏程人。父熾官大理少卿。應龍以父廢
當補京官。讓之於弟。未幾舉咸淳進士。對策忤買似道。
謝定成尉。宋亡不仕。父子自爲師友。討論經學。以文章

大家名於東南人稱爲隆山先生

軍成判官孫潼發

孫潼發桐廬人咸淳進士授衢州軍事判官有庶能聲
辟御前軍器所幹辦公事未幾宋亡家亦毀乃避地萬
山中採杞自給元侍御史程鉅夫奉旨搜訪江南遺逸
以潼發應詔堅辭不起卒槁死巖穴時人義而葬之

陳弘道宗儒

陳宗儒字弘道自號樵同臨海人獻肅公之從子也平
生尚節槩不苟取與伯父檢院念其貧割田贈之力辭

不受吳丞相堅延爲上客。每說之曰：道不行，志不遂，豈復何待？吳不省，遂拂袖南歸。竟與之絕。蓋庚不繼，因水讀書聲出金石，當時高其風。

三教遺逸趙孟頫

趙孟頫，宋宗室也。其先家於黃巖。文天祥見之曰：瑚璉器也。其後天祥開闢江東浙西，俱辟以行。及召赴闕，孟頫留吳中，僅五十日。宋亡，元兵執孟頫，欲官之。因辭以疾，遂去。吳依親友以居，絕口不談宋事。游情佛老，號三教遺逸。居嘉禾。及天祥卒，爲文祭之，慟絕。復蘓，臨終口

占曰。王室之懿。文山之客。千古忠赤。端坐拱手而逝。所
著有湖山汗漫集。

葉仲凱

葉仲凱。餘姚人。博涉經史。善屬文。咸淳甲戌。禮部正奏
名。爲富國者所忌。罷會代。易終身不仕。或勸之曰。君未
食宋祿。今仕元。何不可。而甘貧賤。仲凱對曰。吾聞周穆
騶興夷齊。不厭薇蕨。漢道方盛。黃綺無間。山林人各有
志。奈何違之。勸者乃止。仲凱教授鄉里。敦篤之風。藹然
焉。詩歌寓廢興存亡之感。讀老性從置不忠諫。

海門簿程元爽塏

程塏字元爽，括蒼人。樟之四世孫也。謂海門簿慷慨激
烈，每念世受國恩，宋亡，弃官歸，自傷亡國之臣，卽戴冠
爲道士，建太極陽明書院居之，自稱神陽先生。

芹澗先生蔣芸

蔣芸，開化人。咸淳鄉舉，上疏論買似道奸，不報，遂不就
南宮試而歸。宋亡，元累徵不起，人稱芹澗先生。

正節先生衛富益

衛富益，崇德人。有異質，識見高遠，不爲章句之學，閉家

亡於崖山。日夜悲泣。設壇具祭。史天祥。陸秀夫。張世傑。
詞極哀慘。觀者無不墮淚。嘗負笈往從金履祥學。深探
易旨。決意不仕。隱居教授。創白社書院。會布衣友賦詩
講道。縉紳不得就列。風度飄然。至大間。有司欲薦聞。不
就。怪其迂。毀其書院。遂隱於湖之金蓋山。絕口不言世
務。絕足不履城市。一日遭疾。悉焚所著書。曰。吾志晦迹。
安用名世。卒年九十六。門人私謚曰正節先生。

湖南放翁嚴公源澄

嚴澄字公源。嘉興人家。富好施。見義勇爲。元兵壓境。澄

猶保乘未下。元將大怒，命屠其城。澄仗劍扣軍門曰：「民猶冰也。水順則流，逆則激。民順則從，逆則亂。今將軍不廣好生之德，施不殺之威，顧欲盡剽斯民乎？」元將怒，欲斬澄。厲聲曰：「卽殺一人，活千萬人，死安足惜？辭氣益壯。」元將感悟，一境獲全。丞相伯顏聞而義之，授澄軍民都總管，使守其地。澄曰：「大宋之亡，吾以親故不與俱亡，乃能視顏以事仇讐乎？遂野服放浪九峯三泖間，自稱泖南放翁云。」

齊白散人劉弘宗揚祖

劉揚祖字弘宗，慈溪人。幼有志操，穎悟絕人。舉景定三年進士，授崇文院校書郎。以不附買似道，屢進屢退，積官禮部郎中。益勵志節，遇事敢言。時賈似道崇建臺榭，廣求名花異果，珍禽奇獸以實之。揚祖特疏論之，謂國步方艱，正大臣矢心戮力之秋，不宜忘經國大務，以坐待其斃。買大怒，又欲斥之。會揚祖丁內艱，不果。自是國事日非，每扼腕歎曰：人臣當與國同存亡。今大事已去，不可爲矣。遂有肥遯山林之志。逾年而宋物改冠帶，哀憫及元，下詔求賢。揚祖不忍聞，遂徙家雲湖寺之東原。

建介白樓以爲讀書之所。且與子第輩講解經傳。議論
規飭。皆正氣激發。墜田給食。自號介白散人。以示不臣
於元。

楊吉甫子祥

楊子祥字吉甫。餘姚人。卓犖有奇氣。言行侃侃。必稽乎
道。江萬里異之。舉爲縣監稅。不就。教授海濱。學徒甚盛。
遭宋亂。兵與避地西浙。時劉夢炎事元。爲吏部尚書。雅
聞子祥賢。欲致之。子祥不顧東還。遇鄧牧。謝翱。及方九
思於臨安。樞其帶古賦箴。倚楹湖山閣。後有薦此數人

者乃皆去歸其鄉子祥歸姚柱門著書垂二十年而卒
容州文學方韶父鳳

方鳳字韶父浦江人有異材徧交海內知名士以族子
任試國子監舉禮部不中第後以特恩授容州文學未
幾宋亡鳳遂絕意仕進益肆爲汗漫游北出金陵京口
南過東隰海上悼天塹之不守顧翠華以無從顧盼徘徊
老淚如霰鳳善詩通毛鄭二家言晚遂一發於咏歌
音調凄切不勝黍離之悲臨沒囑其子栲曰吾死可題
其旌曰容州示不忘宋也宋末文弊鳳頗厭之嘗謂學

看曰。文章必真實。中正方能不朽。否則當與東華塵土俱盡。所著詩三千餘篇。曰存雅堂稿。行於世。

東山先生朱元之清

朱清字元之。富陽人。自幼力學。平居以道義自持。爲諱文務底平實。嘗與葉李同門。清賞其不凡。已而李以京學生。叩關斥言。宰臣賈似道置公田。變楮幣。諸新法。非便。得罪。投漳州。朋從莫敢往省。清獨往。與之訣。且爲具凡飲食服用之需。俾所親護送出二千里外。及似道敗。李免歸。清候之江上。相見無一語相勞。第勉之以風節。

自終元至元間李居左揆士趨階恐後清顧之漠然若未始有一日之雅者李亦念清不置數遣人迎致之清卒不往以布衣終其身所居在邑東山之下鄉人咸稱之曰東山先生。

黃行素奇孫

黃奇孫字行素新昌人度魯孫也敦行誼有古風師事俞漸韓性避元隱居不仕所著有南明志胡鳴集及輯其祖三朝言行錄藏於家。

金一之應桂

金應桂字一之錢塘人傳學能詞章宋末嘗爲縣令宋亡誓不仕元隱居風篁嶺以書画自娛書學歐陽詢画學李龍眠非其人不妄下筆是以傳者絕少然識者以爲尺璧寸珠不是過也

胡子庶

胡子庶嚴之淳安人也自幼慎重不苟言笑書過目輒成誦弱冠博極羣籍不肯一下筆作舉子文字既而聞呂東萊之學遂徙其往從之遊盡得其趣未幾宋亡歸隱不復舉進窮居樂道以終其身

鄭玄瑋時中

鄭時中字玄瑋壽昌人少聰俊博學善屬文明五經兼
通子史以漕試得舉見宋鼎將移嘆曰吾其左社矣浩
然有邁世志遂居家不仕研精覃思作春秋指迷詞旨
高遠開論後學亶亶不倦以經籍自娛絕口不談仕進
人或問之答曰人生富貴利達皆身外物吾有先人薄
田弊廬足以供飢粥蔽風雨讀書誦詩足以陶性情以
樂吾生豈不快哉親授二子各一經皆有成立嘗語之
曰吾友邵西坡詩云取相封侯兒輩事老夫只占月三

間功名之事汝自爲之非吾願也。

陶菊隱

陶菊隱嘉興人以號行。今失其名。德祐末元兵南下。菊隱聞勤王之詔。散家財。招集義兵。以拒元。謁文丞相於軍。宋亡。遺士流寓者。多以爲依。戒子孫勿食元祿。當時同邑有趙孟頫。嚴澄。稱秀州三義。

杜若川濟之

杜濟之字若川。金華杜伯高之孫也。明春秋領鄉貢。宋易世。志不仕元。感激自轉。作越志。志云。寧在百里。步瀟水。

不可息寧。思三月。都蕭不可食。雖云食息。頭便分。與。慝志士。當暮年。聞道轉。歷歷。要使此一身。如琢復如。游。整冠與。納履微。嫌費。踞。剔。未。若。瓜。李。地。絕。不。見。吾。迹。矯。行。晦。名。寄。食。西。峯。僧。寺。以。終。

壽岩老人欽德載

欽德載。吳興人。仕爲都督計議官。宋亡。德載不肯送。隆。歎。元兵。募。生。致。之。欲。授。以。官。德。載。裂。其。板。投。書。卽。遁。隱。碧。岩。山。中。自。號。壽。岩。老。人。

龍圖閣待制萬鍾

萬鍾歸安人也。仕至龍圖閣待制。國勢日危。致仕居家。元世祖三徵之。終不起。卒。以農業老於橫塘之上。

元

共十三人

清節處士虞伯和如埴

虞如埴字伯和義烏人。世業儒。師事王炎。恬靜自守。不以利祿爲意。薦授永嘉教諭。不赴。有司勉令應貢。亦以親老歸。名聞集賢院。畀以清節處士之號。尚美好。游心經史。終老不倦。

建君樹業

姚學字君衛幼敏睿長通經術尚書程垵器重之妻以
女恩授承嘉簿不就官與於京會賈似道專禮率太學
生伏闕論之不報遂退居元史宦慰來招請見說以
仁則得衆勿放火縱兵人心自安史從之衆賴無擾史
奏授慶元簿不受繙訂請予作論孟直筆及范翰林奉
旨訪求好人衆爲舉皆以母老力辭續薦俱不起扁所
居曰心易尤精地理有雲外樵歌若干卷

溫日觀

溫日觀瑤瑤寺僧也宋亡出家豪飲不羈往往出憤世

語善。國葡萄。萄枝蔓皆給。華書法。時寫詩文於上。人皆知
貴重之。性酷嗜酒。楊瓊真。御以名酒。暗之。終不濡唇。其
輒罵曰。韞墳。賊獨與。揭斯侯。相友善。每過。從輒飲。飲醉
輒抱庭前支離。喪痛。哭不可止。支離。喪揭所種松也。

呂徽之

呂徽之。號六松。僊居人。博學能詩文。宋亡。深晦不仕。居
萬山中。以耕漁自給。一日大雪。出易穀於富家。聞其分
韻作雪詩。有得蘇字者。苦吟不就。不覺失笑。主人怪焉。
延之入。援筆立成。有鴛鴦。葦亂。功散。蔡嶼。蝶飛。來妙。過

歷之句、衆皆歎服、問其姓名、不食、留之、不可得、惠之、穀、怒曰、我豈受不義之財者、必易之、卽刺船而去、

蔣叔圭瑛

蔣瑛字叔圭、青田人、居南田華野、家中丞繼周之裔、自以家世宋臣、不食元祿、投徒自給、足迹未嘗至邑郭、詩文師韓杜、而天性孝友、人無間言、所著有葆光集、

純德先生陳天祺應麟

陳應麟字天祺、鄞人、淹貫經史、至曆數之學、無不究其指歸、人稱通備、一日乘馬出、有失馬者、直前認馬、應麟

問曰：子亡馬幾何時？對曰：逾月矣。應麟有馬，且數年，心知其非，不與辨。竟與之，挽轡而去。明日，馬從別得，乃詣應麟叩頭謝塔下。至元間，朝廷以安車召賢良，應麟語使者曰：吾祖宗世爲宋臣，子孫不忍食元祿，固辭不起。賜號純德先生。

張克明

張克明，黃巖人。至正十三年，州里盜起，州將宋伯顏不花出令，集鄉兵掩捕。克明率子弟，以計襲取其首亂者二人，械送於官。民藉以寧，州將將上其功。克明謝曰：某

老矣因時僥倖以規利非夙心也遂隱居山中年八十
一卒於家

潛齋先生毛彥明輝

毛輝字彥明括之松陽人博學雄辯總制孫炎薦署學
事屢辟不起歎曰吾讀書學問自分檢身理家修德承
祀以全歸焉吾志畢矣仕非吾節也平生愛菊迭籬種
之終日把玩悠然自得策杖獨步入紫青山中卜地爲
窳穴名曰全歸窩自呼曰介夫士友以其愛菊類陶皆
稱之曰潛齋先生

全閒老者王存道宏

王宏字存道、西安人、博涉經史、工文詞、書法、魏晉、嘖嘖
逼真、中年崇事理學、著易啓疑、春秋辨證、文有蓬窓集、
每自憤生丁元運、隱而不仕、其紀生仍用德祐年號、以
貫巳卯先號半閒、至永樂承平、隨號全閒老者、特御鄭
辰銘其墓、以爲衡高世抱道不求聞達之士云、

水雲子汪大有元量

汪元量字大有、錢塘人、當度宗時、以善琴出入宮掖、元
兵入城、賦詩曰、錢塘江上雨初乾、風入端門陣陣酸、

馬亂嘶臨警蹕三宮酒淚濕鈴鑿兒童賸遺追徐福。厲
鬼終湏滅賀蘭若說和親能佑國。嬋娟應是嫁呼韓。頃
之從三宮北去流滯燕京時有王清惠張瓊英皆故宮
人善詩相見輒涕泣元量嘗和清惠詩曰愁到儂時酒
自斟挑燈看劔淚痕深黃金臺迺少知已碧玉調高空
好音萬葉秋風孤館夢一聽寒月故鄉心庭前昨夜梧
桐雨勁氣蕭蕭入短襟世皇聞其善琴召入侍鼓一再
行駸駸有漸離之志而無便可乘也遂哀懇乞爲黃冠
世皇許之瀕行與故宮人十八人醢酒城隅鼓琴敘別

不數聲、哀音哽亂、淚下如雨。張瓊英送之詩曰：客有龍
金共壁懷，如何不肯贖奴回。今朝且盡宮廬酒，後夜想
思無此杯。元量既還錢塘，往來彭蠡間，風踪雲影，倏無
寧居人莫測其去留之跡，遂傳以爲僊也。人多圖像事
之，自號水雲子。士流題詠其事。

潘省中伯脩

潘伯脩字省中，黃巖人。嘗三舉於鄉，至春官，輒不偶。遂
決志隱居教授，以著書爲事。旁通天文地理律曆之學。
爲詩文皆寓微意。嘗曰：文章不關世教，雖工無益也。友

谷珍寇海上浙江奉政朶兒只班總兵至將盡屠邊海
之民伯修挺身率父老詣軍前力爭之曰倡亂者獨谷
珍爾吾民無罪也乃得免國珍聞其名欲降之不屈遂
被害黃雲泉有言潘先生莫邪大劍也其光燦然足以
動星斗其鋒鋦然足以破堅珉而不保其缺折之患雖
然不害其爲千金之寶也可謂深得其爲人者矣

張子長樞

張樞字子長東陽人聰慧過人讀書週目輒不忘爲太
務推明經史以扶異教道尤長於叙事嘗別撰漢本續

所以魏吳載記續後漢書七十三卷三國之臣有能致節於其君者舊史或諱不書或書而失實或僅見於異代之史皆爲更定而於漢事必備載以詳正統或一事類說必舉訂使歸於一是非疑似抑揚予奪咸有論著繫於各篇之後名曰訓志謂宋之亡也將相羣臣仗節死者固已有傳在史氏若卑官下吏士卒女婦之死者多史所弗錄乃詢諸故老仿采稗官得若干人爲宋季逸事若干卷朝廷取其書置宜文閣至正初右丞相脫脫監修宋遺金三史奏辟極長史力辭不拜後以知制

語兼國史院編修官召不就使者迫之行至武林驛病
病辭歸卒四方之士莫不高其風節

潛聲甫音

潛音字聲甫新昌人幼聰敏強記能文生甫十歲而宋
亡見長老談匡山事卽潛然涕下及長讀夷齊傳擊節
憤歎益以事元爲耻日惟杜門讀書談道多所自得後
因訪弟元甫於義烏因往從草廬吳澄學奏定間澄以
薦召欲行音勸止之不從遂歸築室南洲山中自名其
軒曰待清隱居所著有待清軒稿

明 共十五人

玄白先生黃觀成中德

黃中德字觀成、黃岩人、幼穎悟、受學於鄉先生、潛心經
之門、及伯修爲方氏所害、乃歎曰、人生於三事、之如
警其可以不復、聞天兵至、即持書間道詣軍門、請
師復警、會方氏歸、附事乃寢、遂與其徒徜徉山水間、
獲有杜、進意、學者稱爲玄白先生、

石鼓山聲呂不用

呂不用、新昌人、初名必用、字則行、嘗應元鄉舉、有奇

齊長悟曰吾家世宋臣事胡非義也遂更名不用字
耕率諸弟耕石鼓山下以奉二親已從金華黃滔學博
涉經史爲詩文翩翩有逸氣時與宋漁劉基相唱和及
基翊輔高皇帝屢欲薦之以聾疾辭晚年應經明行
修辟授本學訓導時亂餘禮徑晦蝕率諸生綜釐蒐剔
親爲䟽解且訂集朱子家禮行之一時翕然向化後以
聾疾退居因自號石鼓山聾所著有得月稿收教稿卷
田稿

練希曾魯

繆魯字希魯，松陽人。至正間，父進官京師，因奉省，以家
籍就試中第。無何，元駕北陷，魯方弱冠，離亂南還，不復
有仕進意。力耕以供子職，遭母喪，啜粥飲水，哀毀逾節。
比葬，廬墓三年。高皇帝卽位，詔天下賢才輔治，有司
以魯應聘，力辭不起。復命有司勸駕，不得已，至武林。著
辭病詩九律，聲調悲壯，思志哀鬱。若不知其意之所在，
竟歸家，閉門謝客。復撰朝會樂歌六章，則又若喜聖人
之世出慶，遭逢之不偶者然。卒不一出，以老死。所著有
陸明集傳於世。

陶九成宗儀

陶宗儀字九成，台之黃岩人。博稽宏覽，善古文，尤精字學。性度冲粹，與人無夷險佞直，一接以誠。平居寡言笑，至論古今人物，上下數千年，竟日不倦。至正間，浙帥秦不花辟舉行人，不就，遂避地松江之亭林，力畊自食。張士誠據蘓，擬署軍咨，堅拒不往。洪武辛亥，詔取天下人才，郡邑以宗儀應，又以病免。或謂讓之，歎曰：「一檄而喜，所以爲親祿不逮養，適增悲耳。况今賢良輩出，草莽之臣老死太平幸矣，踰分之榮，其敢觀乎？」藝圃一區，果蘊。

著藥量給賓客其餘地悉種菊間遇勝日引觴獨酌花
下歌所自爲詩撫掌大笑人莫測也宗儀崎嶇亂離幾
二十年喪葬祭禮備盡其力人以孝稱晚年尤好著述
世所共傳者說郛一百卷輟耕錄二十卷書史會要九
卷四書備遺二卷

李長民公鑑

李公鑑字長民太平人方國珍據有台溫一時人士多
附之獨公鑑杜門屏迹若將浼焉有所感必於詩發之
洪武初累薦不起後以子茂弘貴贈北京刑部主事所

著有藥所稿藏於家

監察御史童守正真

童真字守正，仁和人。永樂中，由貢生拜監察御史。巡按四川，忠誠端慤，風紀振揚。爲政不求近名，而孜孜奉公。惟知自靖，擢山東副使。食正三品俸，秩滿待次天官。嘗事者諷求一見，真不往。又使人至其邸，真托疾偃卧，不與交一言。遂徙官廣東。真卽解綬歸，背橐單鮮，識者高之。

葉啓明子曉

葉子曉字啓明括之雲和人言行質直處家端嚴善講
詩文甘心窮約人或有贈餽者卽曰無事而受非義也
有司嘉其賢而上之徵辟不應

張羽臯翺

張翺字羽臯仁 and 人生而穎異涉獵經史流覽百家至
於推步天文占望風氣若有神授宣德間有潘中丞者
浙人也將往南粵視師素知翺有兵略習占候除室迎
之翺感知已強與偕行一日坐帳中仰視片雲隱起謂
潘曰事濟矣烈風南來乃克滅北也已而果然多獲道

虜潘擬跪薦朝朝曰所以共事戎行者報知也朝朝
名爵相亮平竟逃去易名晦述以終其身嘗作詩有述
曰有意欲嘗干日酒無心去傍五侯烟其志可知矣
終語其子曰吾推數循理後人必有大吾宗者朝朝
數十年而曾孫應祺應祐玄孫瀚瀛洵洽薄州皆相繼
登高科躋應仕人益服其先見云

三鄉老人葉子雲

葉子雲世家青田爲三鄉老人正統間閩寇竊發象巖
等處皆爲巢穴朝廷命都御史陳詔提兵討之子雲

軍門白曰子雲請以三寸舌下賊不煩隻旅都御史許
之子雲單步見賊諭以禍福賊相顧咋舌遂留子雲飲
夜出四女子侍寢并餽白金一盤子雲悉謝不受賊義
之一夕解散子雲籍所弃輜重并所掠婦人四百口土
之幕府事聞議報以官因辭逃賞不知所之

廣西參議張文衡銓

張銓字文衡仁和人吏部郎中信之孫太僕丞瑛之從
子也成化辛丑進士官刑部主事爲人耿介不阿剛方
直諫多挺挺大節時尚書南宮某事多偏徇銓據法執

爭不已尚書心切憾之竟亦莫能奪冢宰屠公某者與銓有葭莩親銓絕不與通適屠有慶事僚友期與偕行銓義不往屠大憾之以爲輕已而銓恬然不顧也在烈曹十八年風節愈勵家貧甚其妻日糊紙鏹以給衣食竟以薦介不求出爲廣西叅議舟覆死於水

荆府長史施魯

施魯仁和人。心純志潔。學古守高。寧避世違時。而耻爲苟合。寧困窮沒齒。而一毫之不義不可干也。正德初。以舉人仕爲荆王府長史。務以正道匡王。是是非非。介然

不阿王甚禮敬之既請增秩四品以方嚴簡亢不為
睦所悅矯勅致仕璉誅詔徵魯復用魯自以年及不應
召遂終老于家而無一畦尺椽之藉東西僑負不常非
其義弗受也嘗有施姓書生餉粟三十斛求冒魯宗魯
曰余惟不為冒昧之事以至於斯固却之時方絕禮送
之晏如也竟藜藿不給而歿未歿前數日操筆為文自
誌其墓曰吾懼文士之以虛聲潤我也其不為名高天
如此

太雀山人陳洛夫中州

陳中州字洛夫，詔之曾孫也。敦樸好古，務爲高奇，自弱冠應試，屢列前茅。所作文論，遠近誦法，貢爲廬江教諭。復轉王山，以典起人文爲任，往與永嘉張少師游好，及謁銓選，永嘉令作清馥殿賦，將薦授館職，不屑就。作詩論之曰：上馬伏波還未老，下車馮婦也堪羞。人稱其節氣歸來，結一室依古木下，自號依樹老人。又稱太霍山人，每爲詩文，扶摺腎胃，如孟郊買島，湏出不經人道語。以自羨，又嘗自題其小像曰：髯白子生何暮，百請無一過。動與世違，辭如泥塑人，以爲痴天然之素，謝多味之。

遂取一衆之悟大明平世之民養皇上人之步咸謂宜
錄云

給諫許台仲相卿

許相卿字白仲海寧人舉正德丁丑進士第官兵科給
事中屬世皇新政乃抗疏論政令不便者數事先是
有人張銳張忠恣橫法曹議在死律內降欲賞之

益相卿力爭之又李賢以中貴張欽義子襲錦衣指揮
林俊以正人被言者誣相卿皆力言其非是語剴切
人所不敢言重嘗上爲氣驕志怠迥異初心云云

朝皆爲作舌，由是許給諫直聲震天下。居一年，抗疏致
任歸。縣官具輿臺，騶隸如常。相卿曰：「此役屬里閭，吾故
里中人也。」假令吾乘軒擁蓋，揚揚出里中，使吾父老親
故走匿旁舍，此於事不當。吾誼已不入公府，毋徒患若
父老爲也。堅却之。乃築室紫雲山中，巖居川觀，食力錄
志，益務覃思墳籍，游心藝術之場。常製短篋，長笠以二
雀自隨。遇佳日，披蓑戴笠，身騎黃犢，往來阡陌間，喜與
田翁野史爲爾汝交。時就彼傾村醪，食脫粟以爲糧。或
一言目爲貴人，輒投袂而起。縣官高其賢，爲樹表邑中。

堅辭之不得。既竣事，念當一往謝，則五鼓伺門入，向晨
浴再拜而去。時令卧未起，卒不能禮之。館舍部使者薦
時存，閉餽之金錢，輒推不受。元輔桂溪，與相卿善，貽忠
詩有九杞山人不出山，不將一字落人間之句。相卿爲
人豪邁，正直高視一世。林居三十年，海內咸傾仰之。中
外薦者以十數。嘉靖己亥，以禮科給事中召起於家。部
使者臨門敦逼上道，相卿力以疾辭。元輔爲書招之曰：
明天子在上，故人忝備政府，可強爲一出，相卿報稱，最
高者勞乃，必方飽食無裨，乃公竟不起。後海上變，株

路者就問籌策、相卿爲口、盡便宜事、語多效、其清高、
節老而彌壯、士大夫識不識、輒相敬慕、咸以爲人中之
鳳云。

孝廉張文東涑

張涑、字文東、海寧人、生有異質、方童時、日誦數千言、爲
文詞、采煥麗、氣焰輝赫、一時名輩咸推下之、皆以爲王
辛安樓生也、辛卯舉於鄉、時尙未冠、其聲鶴舉、動於鄉、
紳士大夫樂與之交、請臬大僚、至禮於其廬、世父嘗
管錢數百千、無所積、涑議斥產以入、或曰、若幸交實、

一言而解何重借齒牙而輕議先人遺業邪涑曰資
易得耳至於節槩一失不可復贖涑卽餓死不顧也
產產抵之以是家益貧初涑爲諸生與童憲副漢臣方
郡守九叙友善時稱三傑後兩人皆登仕籍涑寡處
時時餽廩饋輒推不受或固餉之強至再三勉爲一受
卽盛治具召其人至共飲食必盡其所餉然後已涑於
世一無所屑與富路高談累日未嘗及時事抗志守高
曠視塵表卽藜藿不給卓如也竟以阨窮不得志而死
卒年三十三詩文俊爽有奇氣所著有窮居集漢臣爲

梓行於世

漢陽令董碩甫敘

董毅字碩甫從吾先生儒之子也正德丙子舉於盛島
靖辛丑授安義令更令漢陽俱劇邑緩輯鎮定所部不
擾介然守正罔突梯取容竟與上官枘鑿拂袖而歸耕
於海上安貧樂志冲曠夷猶每值粒聲過午未炊散步
激壑湖濱採白蘋以嗅淡如也相知者或念其貧而因
之一介不取空腹而歌聲如金石既而待其父游王陽
明先生之門獲聞良知之學精修深詣時稱高弟每處

陶靖節形影神釋之詩取菴文忠本月不變之旨知者
以爲陶精於埴玉所著有碧甌四存前稿藏於家

兩浙名賢錄卷之四十三